



Ponude za pospješivanje integracije

Integracioni procesi se odvijaju uglavnom u školi i na poslu. Za osobe koje (još) nemaju pristup ovim područjima, postoje različite ponude za pospješivanje integracije.

Specifične ponude

Postoje različite ponude za strankinje i strance koje im pomažu da se prilagode na švicarsko društvo i ostvare kontakte. To su između ostalog, razgovori za "okruglim stolovima", aktivnosti u slobodnom vremenu, predavanja ili kursevi. Kontakt centri za integraciju (Ansprechstellen Integration | antennes d'intégration) ili opština, u kojoj živite, pružaju više informacija o raznim ponudama. Mnoge opštine organizuju prijem i dobrodošlice novim sugrađanima. Ovaj događaj je dobra prilika da se dobije prvi utisak o novoj sredini.

Udruženja

Mnogi stanovnici Kantona Bern su članovi nekog udruženja (Verein | Association). Postoje udruženja za različita interesovanja. Čak i u manjim sredinama postoje sportska, kulturna i druga udruženja u kojima se dobija idealna prilika za stupanje u kontakt sa drugim ljudima. U većinu udruženja su dobrodošle sve osobe. Informacije o udruženjima se mogu naći na internet stranicama opština.

Organizacije migranata

U zavisnosti od jezika, zemlje porijekla ili religije, postoje razna udruženja/klubovi koje vode migranti. Ova udruženja često nude integracione i savjetodavne usluge, kako bi podržali svoje članove po dolasku u Švicarsku i u kanton Bern.

Ponude za mlade

Za mlade u Kantonu Bern postoje mnogobrojne konkretne ponude s ciljem kako provesti slobodno vrijeme i upoznati vršnjake. U mnogim opštinama imaju sastajališta i razne aktivnosti u slobodnom vremenu. Tu su mladi pod nadzorom stručnih lica i mogu da izraze svoje ideje i realizuju projekte (Jugendarbeit | Animation de jeunesse). Ove ponude su najčešće besplatne. Omladinske organizacije omogućavaju da se zajedno sa vršnjacima preuzmu neke aktivnosti i da se bavi sportom u prirodi. Nosioci ovih ponuda su udruženja, opštine ili crkve. Ponude su na raspolaganju svim mladim ljudima. Opština pruža dodatne informacije.



Kanton Bern
Canton de Berne

hallo-bern.ch
salut-berne.ch

Više informacija (linkovi, adrese, brošure, informacioni listovi)

www.hallo-bern.ch/hr/jezik-i-integracija/ponude-za-pospjeivanje-integracij

hallo-bern.ch

Informacije za dobar početak u novom mjestu stanovanja
Jezik i integracija / Ponude za pospješivanje integracije